



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU **STRANKE DIJASPORE BOSNE I HERCEGOVINE**

Broj: 03-07-6-261/20
Sarajevo, 25.08.2021. godine

SADRŽAJ

| | |
|--|---|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS PREGLEDA I KONTROLE FINANSIJSKOG IZVJEŠTAJA..... | 5 |
| Predmet pregleda i kontrole..... | 5 |
| Cilj pregleda i kontrole..... | 5 |
| Obim pregleda i kontrole..... | 5 |
| 4. PRETHODNE KONTROLE I REVIZIJE..... | 5 |
| 5. NALAZI I PREPORUKE REVIZIJE..... | 5 |
| 5.1 NALAZI..... | 5 |
| 5.2. PREPORUKE..... | 8 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke dijaspore Bosne i Hercegovine za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Stranka dijaspore Bosne i Hercegovine prekršila odredbe člana 5. stav (4), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornje napomene, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke dijaspore Bosne i Hercegovine za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2019. godinu, Stranka dijaspore Bosne i Hercegovine se finansirala iz sljedećih izvora:

| R/B | Izvori finansiranja | Iznos (KM) | Struktura (%) |
|-----------|--|---------------|---------------|
| 1. | Članarina | 0,00 | 0,00 |
| 2. | Prilozi fizičkih lica (3-a) | 0,00 | 0,00 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 0,00 | 0,00 |
| 7. | Prihodi iz budžeta (3-f) | 0,00 | 0,00 |
| 8. | Prihodi od propagande (3-g) | 0,00 | 0,00 |
| I | Ukupni prihodi (1-8) | 0,00 | 0,00 |
| II | Ostali prihodi i drugo | 256,00 | 100,00 |
| | Izvori finansiranja (I+II) | 256,00 | 100,00 |

U godišnjem finansijskom izvještaju stranka je iskazala rashode u ukupnom iznosu od 256,00 KM.

2. PREDSTAVLJANJE POLITIČKE STRANKE

Naziv političke stranke je Stranka dijaspore Bosne i Hercegovine. Skraćeni naziv stranke je SDBiH.

Stranka je registrovana kod Općinskog suda u Sarajevu, rješenjem broj: 065-0-F1-09-000036 od 10.03.2010. godine. Rješenjem Općinskog suda u Sarajevu, broj: 065-0-F1-15-000011 od 31.07.2015. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000005 od 13.06.2016. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000015 od 10.10.2017. godine, upisana je promjena lica za zastupanje i predstavljanje stranke.

Stranka je na svojoj Skupštini dana 20.07.2019. godine donijela Odluku broj: 16-04/19 o prestanku rada Stranke dijaspore BiH, te je na osnovu navedene odluke podnijela Općinskom sudu u Sarajevu zahtjev za brisanje stranke iz sudskog registra, odnosno upis promjene u sudski registar: prestanak rada stranke.

Sjedište stranke je na Ilidži – Sarajevo, Senada Fazlića broj 58.

Lice ovlašteno za zastupanje stranke u 2019. godini je Edim Fejzić, predsjednik stranke.

Lice ovlašteno za podnošenje finansijskih izvještaja za 2019. godinu je Zekira Vuga.

Prema podacima iz godišnjeg finansijskog izvještaja za 2019. godinu, organizacionu strukturu Stranke dijaspore Bosne i Hercegovine čine:

- Centrala stranke i
- 8 regionalnih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke dijaspore Bosne i Hercegovine za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Stranke dijaspore Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja Stranke dijaspore Bosne i Hercegovine od 2010. do 2018. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2018. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da finansijska sredstva obezbijeđena za finansiranje stranke koristi isključivo za ostvarivanje ciljeva utvrđenih svojim programom i statutom, da poslovne knjige vodi u skladu sa računovodstvenim propisima, odnosno da vodi pravilne i potpune evidencije o prihodima, rashodima, obavezama i novčanim tokovima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da dostavlja dodatnu dokumentaciju i da, imajući u vidu strukturu troškova stranke i činjenicu da se finansira isključivo iz budžeta, racionalnije troši finansijska sredstva.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Stranka dijaspore Bosne i Hercegovine nije ispoštovala preporuke revizije.

5. NALAZI I PREPORUKE REVIZIJE

5.1 NALAZI

a) Stranka dijaspore Bosne i Hercegovine prekršila je odredbe člana 5. stav (4) Zakona o finansiranju političkih stranaka.

Stranka dijaspore Bosne i Hercegovine nije prijavila nenovčanu donaciju fizičkog lica Edhema Fejzića u iznosu od 3.000,00 KM, čime je prekršila odredbe člana 5. stav (4) Zakona o finansiranju političkih stranaka.

Uvidom u službene evidencije koje vodi Centralna izborna komisija Bosne i Hercegovine, utvrđeno je da je fizičko lice Edhem Fejzić dana 20.03.2019. godine izmirio obavezu Stranke dijaspore Bosne i Hercegovine po osnovu novčane kazne koju je Centralna izborna komisija Bosne i Hercegovine izrekla ovoj političkoj stranci Odlukom broj: 05-01-07-6-454/18 od 20.12.2018. godine u iznosu od 3.000,00 KM.

S obzirom da je fizičko lice izmirilo obavezu političke stranke, stranka je ostvarila nenovčanu donaciju fizičkog lica u iznosu od 3.000,00 KM, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala

obavezu da evidentira u poslovnim knjigama i prijavi u godišnjem finansijskom izvještaju za 2019. godinu.

b) Stranka dijaspore Bosne i Hercegovine prekršila je odredbe člana 11. stav (1) i odredbe člana 12. stav (1), stav (4) i stav (5) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Stranka dijaspore Bosne i Hercegovine nije prijavila sve transakcijske račune, nije uspostavila potpune i tačne evidencije o svojim prihodima, rashodima, obavezama i novčanim tokovima, godišnji finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i nije dostavila dodatnu dokumentaciju, čime su prekršene odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

(1) Stranka dijaspore Bosne i Hercegovine nije u godišnjem finansijskom izvještaju prijavila tri transakcijska računa i nije iskazala tačne podatke o prometu ostvarenom putem transakcijskog računa broj 1346201001527822, čime je prekršila odredbe člana 11. Pravilnika.

- Uvidom u Izvještaj o računima pravnog lica koji se vodi kod Centralne banke BiH, utvrđeno je da stranka nije u obrascu 2 (pregled prometa svih transakcijskih računa političke stranke) finansijskog izvještaja iskazala transakcijske račune stranke otvorene kod UniCredit banke i to: račun broj 3386902231834606, račun broj 3387204854309325 i račun broj 3387204806158525.

Kontrolom izvoda sa transakcijskog računa broj 3386902231834606, koje je stranka dostavila u dodatnoj dokumentaciji, utvrđeno je sljedeće: negativan početni saldo na dan 01.01.2019. godine u iznosu od 46,93 KM, ukupan promet ulaza u iznosu od 500,72 KM, ukupan promet izlaza u iznosu od 562,06 KM i negativan saldo na dan 24.12.2019. godine u iznosu od 108,27 KM.

Stranka nije Centralnoj izbornoj komisiji Bosne i Hercegovine dostavila izvode sa transakcijskih računa broj 3387204854309325 i 3387204806158525.

- U obrascu 2 finansijskog izvještaja stranka je iskazala transakcijski račun broj 1346201001527822 kod Asa banke dd Sarajevo sa sljedećim stanjem i prometom: početno stanje u iznosu od 0,00 KM, ukupan promet ulaza u iznosu od 256,00 KM, ukupan promet izlaza u iznosu od 256,00 KM i stanje na dan 31.12.2019. godine u iznosu od 0,00 KM.

Uvidom u izvode sa transakcijskog računa utvrđeno je sljedeće: početno stanje u iznosu od 0,00 KM, ukupan promet ulaza u iznosu od 512,72 KM, ukupan promet izlaza u iznosu od 512,72 KM i stanje na dan 31.12.2019. godine u iznosu od 0,00 KM.

Ističemo da je stranka dostavila izvode sa transakcijskog računa zaključno sa izvodom broj 4 od 17.09.2019. godine.

(2) Stranka dijaspore Bosne i Hercegovine nije u godišnjem finansijskom izvještaju iskazala tačne podatke o početnom stanju i stanju na dan 31.12.2019. godine u blagajni, čime je prekršila odredbe člana 12. Pravilnika.

U obrascu 2-1 (stanje blagajne) stranka nije iskazala podatke o početnom stanju i stanju na dan 31.12.2019. godine u blagajni, dok je prema podacima iz poslovnih knjiga, stranka u blagajni na dan 01.01.2019. godine, odnosno 31.12.2019. godine imala sredstva u iznosu od 7,92 KM.

(3) Stranka u poslovnim knjigama nije evidentirala i u godišnjem finansijskom izvještaju nije iskazala potpune i tačne podatke o svojim prihodima, čime je prekršila računovodstvene propise i odredbe člana 13. i 19. Pravilnika.

-Stranka je u obrascu 3 (izvori finansiranja) godišnjeg finansijskog izvještaja iskazala ostale prihode, odnosno ukupne prihode u iznosu od 256,00 KM.

Kontrolom poslovnih knjiga i uvidom u izvode sa transakcijskog računa stranke broj 1346201001527822 kod Asa banke dd Sarajevo, utvrđeno je da je stranka na transakcijski primila sredstva samo iz budžeta Grada Goražde i to u iznosu od 512,72 KM.

Na osnovu navedenog, utvrđeno je da je stranka prihode iz budžeta iskazala u manjem iznosu od ostvarenih, te da je iste umjesto u obrascu 3-f (prihodi iz budžeta) iskazala kao ostale prihode.

-Stranka u finansijskom izvještaju nije prijavila prihod po osnovu nenovčane donacije fizičkog lica u iznosu od 3.000,00 KM, što je navedeno u nalazu pod a), čime je prekršila odredbe člana 13. i 18. Pravilnika. Stranka, takođe, nije prijavila trošak novčane kazne u istom iznosu, čime je prekršila odredbe člana 21. i 22. Pravilnika.

Uvidom u poslovne knjige utvrđeno je da stranka ni u poslovnim knjigama nije evidentirala prihode niti rashode po istom osnovu.

- (4) Pregledom godišnjeg finansijskog izvještaja, poslovnih knjiga i izvoda sa transakcijskih računa, utvrđeno je da Stranka dijaspore Bosne i Hercegovine nije uspostavila potpune i tačne evidencije o svojim rashodima, te da nije sve troškove iskazala u obrascima 4 (rashodi političke stranke) i 4.1 (režijsko-administrativni i ostali troškovi) godišnjeg finansijskog izvještaja, čime je prekršila odredbe člana 21. i 22. Pravilnika.

U godišnjem finansijskom izvještaju koji je dostavila Centralnoj izbornoj komisiji Bosne i Hercegovine, stranka je iskazala ukupne rashode u iznosu od 256,00 KM, i to: troškove usluga u iznosu od 6,00 KM i ostale rashode u iznosu od 250,00 KM.

Uvidom u poslovne knjige stranke utvrđeno je da je stranke evidentirala troškove provizije u iznosu od 6,00 KM i ostale troškove u iznosu od 250,36 KM, odnosno ukupne rashode u iznosu od 256,36 KM.

Kontrolom prometa ostvarenog putem transakcijskih računa stranke broj: 3386902231834606 i broj: 1346201001527822 utvrđeno je da su troškovi provizije i kamate iznosili 83,59 KM, dok su troškovi advokatskih usluga iznosili 490,52 KM.

- (5) Pregledom godišnjeg finansijskog izvještaja utvrđeno je da stranka u svojim poslovnim knjigama nije evidentirala i u finansijskom izvještaju nije iskazala obaveze prema fizičkim licima po osnovu pozajmica i troškova parničnog postupka, čime je prekršila odredbe člana 24. Pravilnika.

U Izvještaju o pregledu godišnjeg finansijskog izvještaja za 2018. godinu konstatovano je da Stranka dijaspore Bosne i Hercegovine ima neizmirene obaveze po osnovu pozajmica primljenih od fizičkih lica i troškova parničnog postupka u ukupnom iznosu od 33.293,80 KM, a na osnovu Presude Općinskog suda u Sarajevu broj 65 0 P 650832 17P od 13.12.2019. godine¹.

Pregledom finansijskog izvještaja utvrđeno je da stranka u svojim poslovnim knjigama nije evidentirala početno stanje obaveza, kao i da toku 2019. godine nije vršila plaćanje obaveza, što ukazuje da ima neiskazane obaveze na dan 31.12.2019. godine.

- (6) Dana 13.10.2020. godine, Centralna izborna komisija Bosne i Hercegovine je Stranci dijaspore Bosne i Hercegovine uputila Zahtjev za dostavljanje dodatne dokumentacije za 2019. godinu kojim je od stranke, između ostalog, traženo da dostavi kopiju izvoda sa transakcijskog računa

¹ Uvidom u Presudu Općinskog suda u Sarajevu broj 65 0 P 650832 17P od 13.12.2019. godine utvrđeno je da je Stranka dijaspore BiH ima obavezu da po navedenoj presudi isplati fizičkim licima novčana sredstva u ukupnom iznosu od 33.293,80 KM, kako slijedi: Džebrailu Bajramoviću u iznosu od 10.000,00 KM, Ismetu Bukvica u iznosu od 1.087,00 KM, Emiru Vižlinu u iznosu od 3.007,00 KM i Džemili Meštrovac u iznosu od 10.000,00 KM, te troškove parničnog postupka u iznosu od 9.199,80 KM. Prema podacima iz presude fizička lica su stranci u ranijem periodu dala novčane pozajmice stranci, a stranka iste nije vratila u ugovorenom periodu.

broj 1346201001527822 kod Asa banke dd Sarajevo i kopiju izvoda ili potvrdu o prometu ostvarenom putem transakcijskih računa stranke kod UniCredit banke broj: 3386902231834606, 3387204854309325 i 3387204806158525.

Stranka dijaspore Bosne i Hercegovine nije postupila u skladu sa zahtjevom Centralne izborne komisije Bosne i Hercegovine, odnosno nije dostavila kopiju izvoda ili potvrdu o prometu ostvarenom putem transakcijskih računa stranke kod UniCredit banke broj 3387204854309325 i 3387204806158525, čime je prekršila odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se Stranci dijaspore Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi evidencije o priložima i da u finansijskom izvještaju prijavljuje sve priloge,*
- *da poslovne knjige vodi u skladu sa računovodstvenim propisima, odnosno da vodi pravilne i potpune evidencije o prihodima, rashodima, obavezama i novčanim tokovima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

KOMENTAR:

U ostavljenom roku, Stranka dijaspore Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić